

ԲՈՐԻՍ ՊԻՈՏՐՈՎՍԿԻ

(Մենդյան 90-ամյակի առթիվ)

Ս. Կ. ՀՄԱՅԱԿՅԱՆ

Այս տարի լրացավ նշանավոր հնագետ, գիտության վաստակավոր գործիչ, պետական մրցանակների դափնեկիր, բազմաթիվ շքանշանների ասպետ, ԽՍՀՄ և ՀՀ ԳԱ ակադեմիկոս Բորիս Պիոտրովսկու ծննդյան 90-ամյակը:

Բ. Բ. Պիոտրովսկին ծնվել է 1908 թ., փետրվարի 14-ին, Պետերբուրգում: Հայրը՝ Բորիս Բրոնիսլավի Պիոտրովսկին, ծագում էր Սիբիր աքսորյա լեհ ընտանիքից, մաթեմատիկայի և մեխանիկայի ուսուցիչ էր և այդ ժամանակ ուներ արդեն փոխգնդապետի կոչում: Մայրը՝ Սոֆյա Ալեքսանդրովնան, նույնպես մանկավարժ էր: Բ. Բ. Պիոտրովսկին ուներ երեք եղբայր: Եախնական կրթությունը երեխաները ստացել են տանը մոր հետ պարապետով: Հոր աշխատավայրի փոփոխությունների հետ կապված Բորիս Պիոտրովսկին իր միջնակարգ կրթությունը ստացել է տարբեր քաղաքներում (Օրենբուրգ, Լենինգրադի 200-րդ դպրոց): Աշակերտական տարիներից էլ սկսվում է նրա հրապուրանքը հին նգիպտոսով:

1930 թ. Բորիս Պիոտրովսկին ավարտում է Լենինգրադի համալսարանի Պատմա-լեզվագիտական ֆակուլտետը: Ուսանողական տարիներին են լույս տեսնում եգիպտագիտության ուղղությամբ երիտասարդ գիտնականի գրած առաջին հոդվածները¹:

1927 թ. Բ. Պիոտրովսկին մասնակցում է Հյուսիսկովկասյան՝ Նյուխական մշակույթի պատմության պետական ակադեմիայի [ՆՍ ՊՊԱ (ГАИМК), ավելի ուշ՝ ԽՍՀՄ ԳԱ Հնագիտության ինստիտուտ] դաշտային աշխատանքներին: Եյնուհետև՝ 1929 թ., ընդունվում է աշխատանքի ՆՍ ՊՊԱ-ում:

1931 թ. Ն. Ծա. Սառի հանձնարարականով նա ընդունվում է աշխատանքի Պետական էրմիտաժում. էրմիտաժի դիրեկտոր Բ. Վ. Լեգրանը, որը լավ ծանոթ էր Բ. Պիոտրովսկու գիտական գործունեությանը, հրամանագրում է նրան որպես Նախնադարյան մշակույթի պատմության բաժնի կրտսեր գիտաշխատող համատեղության կարգով: Բ. Պիոտրովսկու հիմնական աշխատավայրը մնում է ՆՍ ՊՊԱ-ն:

Հակասապիրը բարեհաճ էր Բ. Բ. Պիոտրովսկու նկատմամբ: Բնությունը նրան օժտել էր նկարչի (նա է նկարագրել իր շատ գործընկերների աշխատանքները) ու բանաստեղծի շնորհով ու իմաստնությունով, իսկ շրջապատում կային մեծ թվով տաղանդավոր մարդիկ, որոնցից շատերին նա աշակերտեց՝ Ն. Դ. Ֆլյաներ, Վ. Վ. Ստրովկ, կովկասագետ-հնագետ Ա. Ա. Միլլեր, Նիկողայոս Մառ, Հովսեփ Օրբելի:

Նրանական թվականներին դաժան քննադատության էին ենթարկվում հնագիտության ամենահիմնարար հասկացությունները և ձգտում կար վերաիմաստավորելու դրանք²: Սակայն նույնիսկ իր ամենավաղ ուսումնասիրու-

¹ Б. Б. Пиотровский. По поводу древнеегипетского «железа». — ДАН, серия В, 1929, № 1; он же: Das Karnak-Relief des Hohenpriesters Amenhotep. — ДАН, серия В, 1929, № 6.

² Տե՛ս օրինակ, այն օրերի «Сообщения ГАИМК»-ի պատ. խմբագիր Ս. Ն. Բիկովսկու հոդվածները՝ С. И. Быковский. О предмете истории материнской культуры. — Сообщения ГАИМК, 1932, № 1—2, с. 3—6; С. Н. Быковский. К пересмотру археологической терминологии. — Проблемы истории материнской культуры, 1933, № 5—6, с. 10—12.

թյուններում նա շնորհիվ դասական հնագիտության կանոններից (որի հասարակ մեղադրում էր «ակադեմիզմի» մեջ)³։ Սղավ, թերևս, միայն մեկ բացառություն՝ նա միգրացիոն տեսության հակառակորդն էր երկար ժամանակ։

Եգիպտոսը, իր մշտական երազանքների երկիրը, հեռու էր ու անմասնելի, իսկ «Հին Արևելքը»՝ անշափ մոտ, Հայաստանում. և ահա, նիկողայոս Մառի խորհրդով Բ. Բ. Պիոտրովսկին որոշում է զբաղվել ուրարտագիտության մ. և 1930 թ., ՆՄՊԱ-ի Հայաստանի կիկլոպյան ամրոցներն ուսումնասիրող արշավախմբի հետ, որի կազմում էին նաև էրմիտաժի գիտաշխատակիցներ Լևոն Գյուլալյանն ու Անտոն Հաջյանը, նա մեկնում է Հայաստան։ Հայաստանում՝ Հնությունների պահպանության կոմիտեի կողմից այդ աշխատանքներին մասնակցելու է գործուղվում Եվգենի Բայբուրդյանը⁴։

Արշավախմբի նպատակն էր Հայաստանի ամրոցների, դամբարանադաշտերի և սեպագիր գրավոր տվյալների փոխկապակցված ուսումնասիրությունն ու այդ ամրոցների դասակարգումն ըստ տեղագրության, քարի մշակման ու ճարտարապետական առանձնահատկությունների ու ժամանակագրության. մեծ ուղղորդված էր դարձվում ամրոցի և բնակավայրի փոխտեղադրության խնդրին։ Շիրակում, Արագածոտնում և Գեղարքունիքում ուսումնասիրվեցին բազմաթիվ ամրոցներ. դրանք պարզունակ շափագրվեցին ու լուսանկարվեցին. հավաքվեց վերագետնյա նյութը։ Այս արշավախմբի գործունեության մ. սկսվեց Հայաստանի կիկլոպյան ամրոցների ուսումնասիրության մի նոր փուլ, քանի որ ստեղծվեց գիտելիքների մի հանրագումար, որի հիման վրա կառուցվում էին հետագայի շատ տեսակետներ։

Արշավախմբի գործունեության արդյունքում բացահայտվեցին մի շարք հետաքրքիր օրինաչափություններ, օրինակ. «Выбор места и однородность строительного материала определялись условием и характером местности, значение которых было тем больше, чем ниже был уровень техники»⁵.

Այսպիսի, անկասկած, կարևոր դիտողություններով ու միայն հավաքված վերագետնյա նյութի ուսումնասիրության մ. հնարավոր չէր ստույգ որոշել այդ ամրոցների հիմնադրման ժամանակը. և ահա, Բ. Պիոտրովսկին կատարում է հաջորդ քայլը, սկսում է այդ ամրոցներից մեկի՝ Մովսիսարի (ուրարտական օանանակների «Թեյշեբա աստծու քաղաքի» ուսումնասիրությունը։ Ակնհայտ դարձավ, որ կիկլոպյան ամրոցների թվագրությունը միանշանակ չի կարող լինել, քանի որ նույնիսկ այս, առաջին հայացքից ուրարտական ամրոց-բնակավայրը բազմաշերտ է։ Բլուրը բնակեցվել է վաղ բրոնզի դարում. կյանքն այստեղ հարատևել է մինչև միջնադար, և հարցերից ամենաբարդը, նաև այսօր, տվյալ ամրոցի կառուցապատման սկիզբը հնագիտական որոշակի հորիզոնի հետ փոխկապակցելու խնդրն է մնում։ Անմիանշանակ մի խնդիր, որը Պիոտրովսկին հաջողվեց լուծել Կարմիր բլուրի պեղումների ընթացքում։ 1936 թ. Պիոտրովսկին մասնակցում է նաև Հ. Ա. Օրբելու գլխավորած Ամբերդի արշավախմբի աշխատանքներին, դաշտում ընկալելով նաև հայ միջնադարյան հնագիտության հիմնախնդիրները։

³ Б. Б. Пиотровский. Страницы моей жизни. СПб., 1995, с. 92.


⁴ А. А. Аджян, Л. Т. Гюзальян и Б. Б. Пиотровский. Циклопические крепости Закавказья.—Сообщения ГАИМК, 1932, №1—2, с. 61—64; Б. Б. Пиотровский и Л. Т. Гюзальян. Крепости Армении доурартского и урартского времени.—Проблемы истории материальной культуры, 1933, №5—6, с. 51—59. Իրենց շատ ժամանակակիցների նման, այս արշավախմբի բոլոր անդամներն էլ տարբեր ժամանակ ենթարկվեցին անհիմն հետապնդումների. 1935 թ. մարտին, շուրջ մեկուկես ամսով կալանավորվում է Բ. Պիոտրովսկին, 1938 թ.՝ Լևոն Գյուլալյանը և Անտոն Հաջյանը, քիչ ավելի ուշ՝ 1939 թ.՝ Եվգենի Բայբուրդյանը, Անտոն Հաջյանը և Եվգենի Բայբուրդյանը զոհվում են կալանավորում. արդարացիվեցին ետմահու (Страницы моей жизни, с. 10, 122—123, 151).

⁵ А. А. Аджян, Л. Т. Гюзальян и Б. Б. Пиотровский. Указ. соч., с. 62.

Հայաստանում աշխատելուց բացի, Պիտրովսկին համագործակցում էր նաև Սովետական (1935 թ.), Թերմեզում, Մոզզոկում և Մերվում (1936 թ.) գործող արշավախմբերի աշխատանքներին, որոնցից յուրաքանչյուրի մասին նա ներկայացնում է գիտական հաշվետվություն, որոնք այն ժամանակ իր ղեկավարների կողմից բնութագրվում էին որպես «արժեքավոր ներդրում սովետական գիտության մեջ»⁶։ 1938 թ., Պիտրովսկուն, առանց դիսերտացիայի պաշտպանության, շնորհվում է պատմական գիտությունների թեկնածուի կոչում։

1939 թ. Կարմիր բլուրի պեղումներով սկսվում է Բ. Բ. Պիտրովսկու կենսագրության մի նոր փուլ։ Նրա կյանքն ու գործունեությունը անխզելիորեն կապվում են Հայաստանի ու այդ հուշարձանի հետ։

Էրմիտաժի արխիվում պահպանվել է Ն. Դ. Ֆիտսների կողմից 1938 թ. Պիտրովսկուն տրված բնութագիրը, որով կարծես ամփոփվում է մինչ այս անցած նրա ուղին։ Այստեղ կան և հետևյալ տողերը։



«Одно перечисление работ, осуществленных Борисом Борисовичем за три года, указывает, наряду с чрезвычайной широтой охвата (Египетские древности на Северном Кавказе, археология Средней Азии, работы по материальной культуре Ассирии) тем, на то, в каком плане Б. Б. Питровский подходит к ним: Древний Восток для него не является самоцелью, но той основой, при детальном знании которой мы только в состоянии правильно понять и оценить историю культур, входящих в состав нашего Союза, генетически и преемственно связанных с этой основой»⁷.

Կարմիր բլուրի տեղագիտական ուսումնասիրությունները սկսվել են 1927 թ.։ Այս ուսումնասիրությունների համար շարժառիթ եղավ եկեղեցու և միջնադարյան այլ կառույցների գոյությունը բլրի վրա։ 1939 թ. սկսվում են

Կարմիր բլուրի պարբերական պեղումները՝ Հայաստանի պատմական հուշարձանների պահպանության կոմիտեի (արշ. պետ.՝ Կ. Գ. Ղաֆադարյան), ԽՍՀՄ ԳԱ Հայկական ֆիլիալի (արշ. պետ.՝ Ս. Վ. Տեր-Ավետիսյան) և Պետական էրմիտաժի (արշ. պետ.՝ Բ. Բ. Պիտրովսկի) միացյալ ուժերով և ավարտվում են 1971 թ., պատերազմի տարիների եռամյա ընդմիջումով։ 1945 թ. արշավախմբերի միացյալ ղեկավարությունը վստահվում է Բ. Բ. Պիտրովսկուն (Ս. Վ. Տեր-Ավետիսյանը, որի հետ համատեղ էին նրանք վերջին տարիներին ղեկավարում արշավախումբը, վախճանվել էր 1943 թ.)։

Կարմիր բլուրի պեղումներն սկսելուց առաջ և դրանց ընթացքում նա հանգամանորեն ուսումնասիրում է տարածաշրջանի ոչ միայն հնագիտական ու սեպագրական աղբյուրները, այլև հավաքում ու մեկնաբանում է ուրարտական հուշարձանների մասին եղած ժողովրդագրական նյութը։ Այս սմինը՝ գումարվելով հուշարձանախմբի պեղումներով հաստատագրված տվյալներ-

⁶ Տե՛ս Панорама Эрмитажа, 1990, № 18, с.4.

⁷ Նույն տեղում։

րին, հիանալի արդյունք տվեց՝ գրվեց հայ ժողովրդի և Ուրարտուի պատմությանն ու մշակույթին նվիրված իր հիմնաքարային մենագրությունը⁸։

Գիրքը հիմնականում շարադրվեց պատերազմի տարիներին⁹, պաշարված Լենինգրադում։ Այս օրերի մասին է իր հետևյալ հուշագիրը։

«Научная работа очень облегчала нам тяжелую жизнь. Чувство голода со временем переходило в физическое недомогание, и так же, как всякое недомогание, оно легче переносилось в работе».

Նա էրմիտաժի հրշեջ պաշտպանության պետի տեղակալն էր և իր ընկերների հետ պարտավոր էր վնասագերծել տանիքին ընկած հրձիգ ումրերը։

Բ. Բ. Պիոտրովսկին գործուն մասնակցություն ունեցավ էրմիտաժի ցուցանմուշների փրկման աշխատանքներին և երբ էրմիտաժի ցուցանմուշներն ու ֆոնդերի նյութը ուղարկվեց խոր թիկունք, նա Հ. Ա. Օրբելու և իր մի քանի գործընկերների հետ տեղափոխվեց Երևան։ Այստեղ նա ավարտեց ու 1944 թ. հրատարակեց իր «Ուրարտուն»¹⁰, Գիրքը ձևավորված էր Լենինգրադի պաշտպանության ժամանակ զոհված երիտասարդ գիտնականների պայծառ հիշատակին։ Նույն տարվա հունվարի 30-ին, Հայաստանի Գիտությունների Ակադեմիայում իր այս աշխատանքը նա պաշտպանեց որպես դոկտորական դիսերտացիա։ 1944 թ. էր նաև, որ Բ. Բ. Պիոտրովսկին պարգևատրվում է «Լենինգրադի պաշտպանության համար» մեդալով, իսկ 1946 թ. «Ուրարտուի» համար նրան շնորհվում է ԽՍՀՄ պետական մրցանակ։

Նոր տվյալներով հարստացած ու վերաշարադրված այս գիրքը վերահրատարակվեց 1959 թ. Մոսկվայում, «Վանի թագավորությունը» խորագրով¹¹։ Գրքի պատասխանատու խմբագիրն էր Հ. Ա. Օրբելին։

«Վանի թագավորությունը» Ուրարտուի մասին մինչ այս հայտնի բոլոր տվյալների հանրագումարն էր։ Երկրի մշակութային կյանքի մասին բաժինները շարադրված էին հիմնականում Վանի, Թոփրաք կալեի և Կարմիր բլուրի նյութերի վերլուծության հիման վրա։ Բացի այս, մեծ աշխատանք էր կատարված գիտական շրջանառության մեջ դնելու համար չհրատարակված, սակայն աշխարհի տարբեր թանգարաններում և արխիվներում պահվող ուրարտագիտական նյութը։ Սա Ուրարտուի պատմությանն ու մշակույթին նվիրված թերևս յոթերորդ նշանակալից հրատարակությունն էր, Լեման-Հաուպթի, Լեոյի, Ադոնցի, Ղափանցյանի և Մելիքիշվիլու աշխատանքներից հետո և ուներ իր նախորդներին որոշ չափով նման կառուցվածք. նույնիսկ գրքի վերնագիրը՝ «Վանի թագավորություն», կրկնում էր Լեոյի աշխատության խորագիրը։ Նախորդ հրատարակությունները, բնական է, որ չէին կրել կրկնում միմյանց. դրանցից յուրաքանչյուրը, բնագավառ առ բնագավառ, ունեին նորություններ ու ճշգրտումներ. հիմնականում՝ ըստ հեղինակների նեղ մասնագիտական նախասիրությունների։ Պիոտրովսկու «Վանի թագավորությունը» ավարտն ու պսակն էր այս շարքի, Կարմիր բլուրի անշափ հետաքրքիր նյութերով լրացված ու տաղանդավոր հնագետի լայն մտահորիզոնով շաղախված հանրագումարը՝ եղած բոլոր նշանակալից փաստերի։ Բացի այն, որ «Վանի թագավորությունը» գրքում շրջանառության մեջ էր դրվում մեծաթիվ նոր և կամ նորովի մեկնաբանված նյութ, անկյունաքարային էին այնտեղ կատարված դիտարկումները՝ կապված Ուրարտուի աստվածությունների պատկերազրույթի և ուրարտա-սկյութական փոխառնությունների հետ՝

⁸ Б. Б. Пиотровский. История и культура Урарту. Ереван, 1944.

⁹ Երբ սկսվեց Հայրենական մեծ պատերազմը, Բ. Բ. Պիոտրովսկին աշխատում էր Կարմիր բլուրում։

¹⁰ Գրքում շեշտադրված չէին ուրարտեան լեզվում և մշակույթում դիտվող հնդեվրոպական շերտերը, թեև, այնուամենայնիվ, անտեսված չէին այս մասին եղած կարծիքները։ Շեշտերի այս բացակայությունը, անձնական մի զրույցի ժամանակ նա բացատրեց ոչ միայն իր համոզվածությամբ, այլև քաղաքական իրադրությամբ, որն այն ժամանակ տիրում էր երկրում։

¹¹ Б. Б. Пиотровский. Ванское царство. М., 1959.

երկու, մինչ այս նվազագույնս ուսումնասիրված թեմաներ, որոնք այնուհետև դարձան ուսումնասիրության առանձին բնագավառներ թե՛ արվեստաբանների և թե՛ արևելագետների համար:

Ուրարտագիտությունը հանգչում է երեք հզոր խարսխաքարերի վրա՝ ուրարտական սեպագիր արձանագրություններ, ասուպ-բաբելական սկզբնաղբյուրներ, հնագիտորեն հաստատագրված նյութ:

Այժմ հայտնի է ուրարտական սեպագիր շուրջ 600 տեքստ, որոնցից ավելի քան 230-ը հայտնաբերված են Կարմիր բլուրից: Բացի այս, Կարմիր բլուրում է գտնվել նաև այժմ հայտնի հիերոգլիֆ արձանագրությունների ու նշանների մի մեծ մասը: Հատկանշական է նաև, որ ասուրա-բաբելական սկզբնաղբյուրներից ու Հին Կտակարանից արված այն ընտրությամբ, որը և հետագայում ատաղձը դարձավ Ի. Մ. Դյակոնովի անշափ արժեքավոր՝ «Ասուրա-բաբելական աղբյուրները Ուրարտուի պատմության վերաբերյալ» աշխատանքի համար, կատարված էր Բ. Բ. Պիոտրովսկու ջանքերով¹²:

Հայաստանի բնակավայրերի հնագիտական պարբերական ուսումնասիրությունները սկսվել են 1879 թ., Թոփրաք կալեի պեղումներով, ու բավականին խոշոր ընդմիջումներով շարունակվել են մինչև 1938 թ.: Մինչև 1939 թ., Ուրարտուի նյութական մշակույթի մասին եղած պատկերացումները հիմնվում էին միայն Վանի ժայռափոր հուշարձանների ու Թոփրաք կալեի ուսումնասիրություններով ի հայտ եկած ու, թերևս նաև, 1938 թ. Ալթին թեփեում պատահաբար բացված դամբանից հայտնաբերված նյութերի վրա:

1939 թ. Կարմիր բլուրի պեղումներով սկսվեց Ուրարտական հուշարձանների պարբերական հնագիտական ուսումնասիրությունների երկրորդ խոշոր շրջափուլը, որը շարունակվում է և այժմ: Եթե նույնիսկ հիշատակվեն միայն այն հարցերը, որոնք իրենց պատասխանն ստացան Կարմիր բլուրի պեղումների շնորհիվ, կլցվեն էջեր. ասենք միայն, որ այդ հարցերն առնչվում էին Ուրարտուի կրոնի, ճարտարապետության, քանդակագործության, դրվագման արվեստի, որմնանկարչության, խեցեգործության, կնիքագործության, մետաղամշակության, գյուղատնտեսության, ինչպես նաև քաղաքաշինության, առևտրի ու մշակութային փոխառնությունների հետ ընդհանրապես: Ահռելի էր այն ինֆորմացիան, որը եկավ Կարմիր բլուրից հայտնաբերված արձանագրությունների քննությամբ:

Կարմիր բլուրի պեղումները հանգուցային էին նաև մեկ այլ կարևորագույն պատմամշակութային խնդրի՝ ուրարտա-էթիոնյան էթնոմշակութային փոխառնությունների ուսումնասիրության առումով, քանի որ ինչպես հաստատվեց կատարված պեղումներով, Կարմիր բլուրի բնակատեղին հիմնադրվել է ուշ բրոնզի գարում, իսկ մ. թ. ա. VII դարում հին բնակավայրի որոշ թաղամասեր, իրենց բնակչությամբ հանդերձ, ընդգրկվել են նորակառույց ուրարտական Թեյշեբաինի քաղաքի կազմում:

Կարմիր բլուրի նախաուրարտական բնակավայրը, փաստորեն, Հայաստանի Հանրապետությունում ուսումնասիրված առաջին ուշ բրոնզ—վաղ երկաթիդարյան համալիրն էր (բնակավայր ու դամբարանադաշտ): Կարմիր բլուրի պեղումները կարևոր էին նաև հելլենիստական Հայաստանի մշակույթի, ուսումնասիրության առումով, քանի որ այստեղ, բնակավայրի տարածքում, բացվեցին և ուսումնասիրվեցին վեց դամբարաններ, որոնք թվագրվեցին № 1 դամբարանից հայտնաբերված Ալեքսանդր Մակեդոնացու արձաթ դրամով:

Կարմիր բլուրում կյանքը շարունակվել է նաև վաղ միջնադարում, որտեղ գոյատևել է մի պաշտպանված դաստակերտ. և այս անգամ ևս, Կարմիր բլուրի դաստակերտի պեղումներով է սկսվում նման բնակավայրերի հնագիտական ուսումնասիրությունը Հայաստանում:

¹² И. М. Дьяконов. Ассиро-вавилонские источники по истории Урарту.—Вестник древней истории, 1951, № 2, с. 262.

Պեղումների մասին առաջին հաշվետվությունները լույս տեսան 1939—1940 թթ.¹³ Այնուհետև, 1950, 1952 և 1955 թթ. «Հնագիտական պեղումներ Հայաստանում» մատենաշարով (1—2, 5—6) հրապարակվեցին Կարմիր բլուրի պեղումները ներկայացնող շորս պրակներ:

Բ. Բ. Պիոտրովսկու որդեգրած սկզբունքը, այն է՝ իր ղեկավարած արշավախմբի նյութը իր աշակերտներին ու գործընկերներին տրամադրելը և այդ նյութի ուսումնասիրության համար ամենանպաստավոր պայմաններ ստեղծելը, հիանալի արդյունք տվեց¹⁴:

Վերոհիշյալ հաշվետվություններից բացի, Բ. Պիոտրովսկին հրապարակեց տարբեր հոդվածներ 1953 թ. հետո ընկած տարիների պեղումների արդյունքների մասին. սրանց գումարվեց նաև Կարմիր բլուրի ալբոմի հրատարակությունը, որտեղ մեկ հատորի մեջ ամփոփ ներկայացված էր Կարմիր բլուրի՝ գեղարվեստական առումով ամենաարժեքավոր դիտված նյութը¹⁵:

1962 թ. լույս տեսավ Բ. Բ. Պիոտրովսկու «Ուրարտուի արվեստը», որը մինչև այժմ մնում է որպես ուրարտական արվեստի մեկնաբանության և վերլուծված չգերազանցված մի աշխատություն: Այստեղ քննարկված է Ուրարտուի արվեստն իր գրեթե բոլոր դրսևորումներով. ներառյալ և ամենատարբեր նյութերից շինված առարկաների պատրաստման տեխնոլոգիան ու պատկերների իմաստաբանությունը: Աշխատության մեջ առանձնահատուկ ուշադրություն էր դարձված աշխարհի տարբեր թանգարաններում պահվող ուրարտական արվեստի գործերի ի մի հավաքմանն ու համադրությանը: Այս տեսանկյունից աշխատանքի նկատմամբ ունեցած մոտեցման մասին կարող է պատկերացում տալ Պիոտրովսկու կատարած՝ դեռևս 1877 թ. գլուղացիների կողմից Թուփրաք կալեում հայտնաբերված ու մասերի բաժանելուց հետո վաճառքի հանված՝ արձանիկներով հարդարված բրոնզե (իսկ ժամանակին ոսկե նրբաթիթեղով պատված) գահավորակի վերականգնման փորձը: Բ. Բ. Պիոտրովսկին, հիմք ունենալով Ս. Դեկանցի՝ Կ. Պ. Պատկանյանին հասցեագրած նամակը, որտեղ կար այդ գահավորակի նկարագրությունը, կարողացավ հավաքել ու իր գրքում նկարագրել այդ գահավորակի 17 մասերը, որոնք պահվում են վեց երկրների յոթ տարբեր թանգարաններում ու մասնավոր հավաքածուներում¹⁶: Աշխատության մեջ առանձնահատուկ ուշադրություն էր դարձված նաև ուրարտա-ասորական, ուրարտա-փոյուգական, ուրարտա-հունաստանյան և էտրուսկյան, ինչպես նաև ուրարտա-սկյութական մշակութային փոխառնչությունների խնդրին:

Կարմիրբլուրյան արշավախումբը 1951 թ. սկսում է պեղումներ կատարել նաև մեկ այլ հանգուցային հուշարձանում՝ Արին բերդում (էրբունիում):

Կարմիր բլուրի արշավախմբի գործունեությունը նպաստավոր էր ոչ միայն հնագետների, այլև արևելագետների համար, քանի որ Երևանի ու Լենինգրադի երիտասարդ արևելագետներից շատերը հինարևելյան նյութական

¹³ Б. Б. Пиотровский. Предварительный отчет о раскопках археологической экспедиции Эрмитажа на Кармир-блуре, около села Чарбах 1939 г.—Известия Арм. фил. АН СССР, 1940, № 3, с. 18—25; К. Кафадарян. Раскопки Кармир-блур (1939).—Там же, с. 26—36; С. В. Тер-Аветисян, Б. Б. Пиотровский. Кармир-блур (предварительный отчет о раскопках 1940 г.)—Известия Арм. фил. АН СССР, 1940, № 4—5, с. 147—164.

¹⁴ Տե՛ս օրինակ՝ Կ. Լ. Օգանեսյան. Архитектура Тейшебаини, Кармир-блур IV. Ереван, 1955; А. А. Мартиросян. Город Тейшебаини. Ереван, 1961; Н. В. Арутюнян. Новые урартские надписи Кармир-блур. Ереван, 1966; И. М. Дьяков. Урартские письма и документы. М.—Л., 1963; А. А. Вайман, Г. А. Тирацян. Кармир-блурский некрополь эллинистического времени.—Вестник обществ. наук АН АрмССР, 1974, № 8, с. 60—70 և ուրիշ:

¹⁵ Б. Б. Пиотровский. Кармир-блур (альбом). Л., 1970.

¹⁶ Б. Б. Пиотровский. Искусство Урарту. Л., 1962, с. 44—53.

մշակույթի հետ իրենց առաջին ու անմիջական «հանդիպումն» ունեցան հենց կարմիր բլուրում:

Ձնայած գոյություն ունեցող շուրջ 800-ամյա ընդմիջմանը, այժմ ընդհանրություններ են մատնանշվում թուեղք-վանաձորյան և վանտոսպյան մշակույթների միջև, ընդհանրություններ կան խեցեղենի որոշ տեսակների ձևերի, դարպարվեստի որոշ դրսևորումների¹⁷, թաղման ծեսի (դիակիզման ու դիա-թաղման ծիսակարգերի համակցված գոյություն) և այլ առումներով: Եվ ուշագրավ է, որ Պիոտրովսկու կատարած մյուս խոշոր ներդրումը Հայաստանի և Անդրկովկասի հնագիտության բնագավառում հենց միջին բրոնզի դարյան հուշարձանների ուսումնասիրությունն էր և Կիրովականի դամբարանի պեղումները, որով և սկսվում է թուեղք-վանաձորյան (կիրովականյան)¹⁸ մշակույթի հիմնավոր ուսումնասիրությունը Հայաստանի Հանրապետության նւում: Այս մշակույթի ծաղկումը նա կապում էր կիսաքոչվոր անասնապահության հետ. գտնելով, որ լեռնային շրջանների հարուստ, անասնապահությամբ զբաղվող ցեղերը, որոնք վերահսկում էին նաև տարածաշրջանի՝ հիմնականում պղնձի հանքավայրերը, միջին բրոնզի դարում առաջնություն են ստանում քաղաքական ու մշակութային կյանքում, ամրապնդում են կապերը հին աշխարհի այլ երկրների հետ:

Կիրովականի դամբարանը պեղվեց 1948 թ. օգոստոսին: Այն ժամանակ այժմ թուեղք-վանաձորյան անվանված մշակույթի ամենամոտ զուգահեռները փնտրվում էին հիմնականում խեթական աշխարհում: Այս առումով ուշագրավ է Բ. Բ. Պիոտրովսկու տեսակետն այն մասին, թե թրիալեթյան մշակույթը ճիշտ չէ անմիջականորեն առնչել բուն խեթական մշակութային կենտրոնների հետ. իր կարծիքով այն կարող էր անմիջականորեն առնչվել Հայաստանի հետ. երկիր, որտեղ ձևավորվել էր հին ու յուրատեսակ մի մշակույթ, որը խեթական կայսրության անկումից հետո շարունակեց գոյատևել Դայաենի-Դիաուենի երկրում¹⁹: Այս երկրի անվան հետ է առնչվում Մեծ Հայքի Տայք աշխարհի անունը. Դիաուենի անվանված թագավորության տարածքը, սակայն, ավելի ընդարձակ էր: Դիաուենի երկար ժամանակ վանի թագավորության հզորագույն ախյանն էր հյուսիս-արևմուտքում և մնաց այդպիսին մինչև մ. թ. ա. VIII դարի առաջին կեսը ներառյալ:

Բ. Բ. Պիոտրովսկին հիանալի գիտեր հինարևելյան գրավոր ու հնագիտական սկզբնաղբյուրները: Անդրկովկասի հնագիտության մասին, մասնավորապես, նա դասախոսություններ էր կարդում Լենինգրադի համալսարանում: Այդ դասախոսությունների արդեն հղված սեղմ տարբերակը հրատարակվեց 1949 թ. և երկար տարիներ սեղանի գիրք էր տվյալ տարածաշրջանի պատմությամբ հետաքրքրվողների համար: Ընդ որում, Պիոտրովսկու չիրականացած երազանքներից մեկն էր այս գրքի վերախմբագրված հրատարակության պատրաստումը, որի համար նա այդպես էլ ժամանակ չունեցավ:

Եվ ահա, հենվելով այս, ինչպես նաև հայ վաղ միջնադարյան ու հունահռոմեական սկզբնաղբյուրների համադրությամբ ստեղծված հիմքի վրա, 1946 թ. նա կարողացավ գիտնականների սեղանին դնել անչափ հետաքրքիր մի աշխատանք՝ «Հայ ժողովրդի կազմավորման խնդրի շուրջ» վերնագրով²⁰:

17 R. Merhav. Cauldrons and Their Stands.—Urartu—A Metalworking Center in the First Millennium B. C. E., Jerusalem, 1991, p. 233.

18 Այն տարիներին Բ. Պիոտրովսկին չէր օգտագործում «թուեղքյան, բնական և նախաթուեղք-կիրովականյան» մշակույթ հասկացությունները, համապատասխան ենթադրություններ օգտվելով «թրիալեթյան դամբարաններ», «թրիալեթյան հուշարձաններ» և կամ «թրիալեթյան դամբարանների նյութեր» հասկացություններից:

19 Б. Б. Пиотровский. Археология Закавказья, с древнейших времен до I тысячелетия до н. э. (курс лекций). Л., 1949, с. 46; Б. Б. Пиотровский. Новые данные о древнейших цивилизациях на территории СССР, М., 1955, с. 6—9.

20 Б. Б. Пиотровский. О происхождении армянского народа, Ереван, 1946.

Նավալով շատ փոքրիկ այս աշխատությունը պատասխան պետք է տար որոշ կարևոր հիմնահարցերի ու մասնավոր խնդիրների. հիմնահարցերից կարևորագույնն էր, թերևս, Վանի թագավորության և հայկական պետականության միջև դիտվող տարբերությունների բացահայտումը և այդ պետական կազմավորումների բնութագիրը, որն այժմ անշափ պարզ ու հասկանալի է հնչում. այն է՝ Վանի թագավորությունը բազմէթնիկական մի երկրացի էր՝ հիմնված ցեղային միությունների կառույցի վրա. երկրում ուրարտացիք մեծամասնություն չէին կազմում, իսկ երկրի մշակույթն ու լեզուն ունեին պաշտոնական, պետական բնույթ: Վանի թագավորությունը, հինարևելյան շատ այլ պետական կազմավորումների նման, հեռանկար չունեցավ, քանի որ, ի տարբերություն հայկականի, չկար պետության հիմքը կազմող մի ժողովուրդ:

Անդրադառնալով Արմենիա (Արմինա), Սոմխեթի և հայ-Հայք հասկացությունների ծագման խնդրին, առաջինը նա համամիտ էր ծագեցնել Սարգուրի II-ի (760—730 թթ.) տարեգրությունում հիշատակված Արմե ^{ΚΟΡ}(ΑΓΓΙΟ)՝²¹ երկրի ու թագավորության անունից, որի կենտրոնն էր Նիխիդիանի-Նիփրկերտը: Արմե երկիրը Պիոտրովսկին համադրում էր Շուբրիայի հետ: Գիտնականի կարծիքով հենց այս իշխանությունն է մ. թ. ա. VII դարում գլխավորել հայկական հարավ-արևմտյան դաշնությունը:

Հայաստանի Սոմխեթի վրացական անունը նա կապում էր ասուրական և խեթական սկզբնաղբյուրներում վկայված Սուխմու-Սուխմա երկրանվան հետ (համապատասխանում է Զորրորդ Հայքի Դեգիք գավառին):

Առավել հետաքրքիր, ցավոք՝ միայն առանձին շտրիխներով ձևակերպված և այժմ առավել արդիական է Բ. Բ. Պիոտրովսկու մոտեցումը հայ հասկացությանը: Հայտնի է, որ հայ և Հայք երկույթների ծագումը մեզանում բացատրվում է տարբեր կերպ՝ ա. ծագում նախահոր անունից, բ. Հայասա երկրի անունից, գ. Հաթի անվանված երկրների անունից, դ. էթիոնի դաշնության անունից:

Պիոտրովսկին հակված էր, թերևս, հայ անունն առնել Հայասայի անվանը, սակայն, իր խոսքերով ասած՝ անհասկանալի էր մնում, թե ինչպես Հայասա երկրանունը, որը հայտնի է միայն խեթական աղբյուրներից, անցել է հայերենին: Պատասխանը նա գտնում է Պ. Կրեչմերի օգնությամբ, որը Հայասա երկրանունը կապում էր պատմական Հայաստանի հյուսիս-արևմուտքում բնակվող խալ (Χαλ, Դիոդորոս, 14, 29, 1) ցեղի անվան հետ: Այս առումով ուշագրավ է, որ Դիոդորոսի մոտ խալոյներ ցեղանունը հիշատակված է այնտեղ, ուր Անաբասիսում հիշատակված են տառիները (տալեցիները, Դիաուեխե երկրի բնակիչները. երկիր, որի անունը կարող էր ծագած լինել Տի-հալո նախաձևից, կազմված տի «մեծ» արմատով)²²:

Հիմք ունենալով Պ. Կրեչմերի այս դիտողությունը, Պիոտրովսկին գրտնում էր, որ լեռնաշխարհում առաջինին զուգահեռ գոյություն է ունեցել մի երկրորդ հայկական դաշնություն (հյուսիս-արևմտյանը), որը և գլխավորում էր այս՝ հայեր կամ խալեր անվանված ցեղը: Իր կարծիքով, հայ ժողովրդի պատմության փուլերից մեկում, երբ թուլանում է հյուսիս-արևմտյան (արմենական) դաշնությունը, առաջնությունը լեռնաշխարհում անցնում է հայերի կողմից գլխավորվող քաղաքական միությանը. և սա է պատճառը, որ ժողովուրդը, որին հարևանները ավանդաբար անվանում էին արմենի (արմինա), ինքն իրեն անվանում է հայ:

²¹ Г. А. Меликишвили. Урартские клинообразные надписи, М., 1960, № 156, Д1+ДII, стр. 11.

²² Հմմտ. Արմեն Պետրոսյան. Արամի առասպելը հնդեվրոպական առասպելաբանության համատեքստում և հայոց ազգածնման խնդիրը. Երևան, 1997, էջ 96: И. М. Дьяконов. Урарту, Фригия, Лидия.—В кн.: История древнего мира (расцвет древних обществ). М., 1989, с. 52.

Եթե հիշենք այն, որ Բ. Բ. Պիտրովսկին թեղքյան մշակույթի ամենամոտ զուգահեռները առաջարկում էր փնտրել հենց Հայաստանում (Դիաուե-խեում), ապա անհասկանալի է մնում այն, թե ինչու նա չի կատարել հաջորդ, ինքնին սպասելի քայլը, այն է՝ չի առաջարկել կապակցել հայ էթնոսը թեղքյան մշակույթի հետ: Բնական է ենթադրել, որ պատճառը նախ և առաջ Տալբի սահմաններում եղած հնագիտական ուսումնասիրված սկզբնաղբյուրների սակավությունն էր: Բայց, ըստ երևույթին, ոչ միայն այս. Պիտրովսկին, ինչպես ակնհայտ է, տեսնում էր առնվազն հրկու հգոր էթնիկական խմբեր, որոնց միաձուլմամբ հենց ավարտվեց հայ ժողովրդի կազմավորումը լեռնաշխարհում. իսկ հայերի ու արմենների միաձուլումը (մշակութային, էթնիկական, քաղաքական) իր կարծիքով, կարող էր սկսվել մ. թ. ա. VII դարից, ուրարտական պետության թուլացմանը զուգահեռ: Իսկ եթե հայ ժողովրդի կազմավորման խնդիրը կապվի միայն մեկ ցեղային միության կամ էթնիկական-քաղաքական այլ կազմավորման հետ ու թվագրվի ավելի վաղ, դուրս կմնային հայ ժողովրդի կազմավորմանը մասնակցած մյուս տարրերը: Ավելացնեմ միայն, որ այժմ Հայաստանում, Վրաստանում և Ռուսաստանում շարունակվում է թեղք-վանաձորյան մշակույթի տարածման ժամանակագրական ու աշխարհագրական սահմանների ճշգրտումը. ավելին, այժմ, մ. թ. ա. երրորդ հազարամյակի վերջից ձևավորված այդ մշակույթի կրողների հնդեվրոպական ծագումը կասկած չի հարուցում²³: Մյուս կողմից, այն, որ այս մշակույթի ձևավորման ու ծաղկման փուլը նախորդել է հին խեթական թագավորությանը, բացառում է խեթական պետական մշակույթի ունեցած ազդեցության մասին վարկածը թեղքյանի վրա. այսինքն՝ խոսքը առայժմ կարող է գնալ միայն ընդհանրությունների մասին:

Բ. Բ. Պիտրովսկին այս գրքույկում, «Ուրարտում» և «Վանի թագավորությունում» հանգամանորեն շարադրել է նաև իր մոտեցումները Հայաստան—Ուրարտու հիմնախնդրին, նախ և առաջ, բացառելով որևէ էթնիկական այնպիսի մի տեղաշարժ դեպի լեռնաշխարհ, որը կարող էր օժանդակել հայ ժողովրդի կազմավորմանը, բացառյալ սկյութական արշավանքները՝ որոնք օժանդակեցին Հայկական պետության կազմավորմանը, սակայն գենետիկական առումով սկյութական տարրի առկայությունն այստեղ էական չէր: Նա գտնում էր, որ վերջին հաշվով հայերը ծագում են Ուրարտուն ձևավորող ժողովուրդներից, իսկ մշակութային առումով՝ հայ ժողովուրդը ուղղակի ժառանգորդն է համաուրարտական մշակույթի. մշակույթ, որի արմատները նա փնտրում էր լեռնաշխարհի էնեոլիթ-բրոնզի դարյան մշուշում:

Բ. Բ. Պիտրովսկին ամենագործուն մասնակցությունն ունեցավ «Հայ ժողովրդի պատմություն» բազմահատորյակի և «Հայկական կերպարվեստի պատմություն» յույս ընթացմանը, առաջինի համար համապատասխանաբար շարադրելով «Ցեղային միություններից դեպի պետություն», Ուրարտուի «Արհեստներ», «Արվեստ, կրոն, գիր, գրականություն»²⁴, իսկ երկրորդի համար՝ «Материальная культура армянского нагорья» և «Памятники Урартского искусства» գլուխները²⁵:

²³ Այս մասին մեզանում, հանգամանորեն տե՛ս Գ. Ե. Арешян. Индоевропейский сюжет в мифологии населения междуречья Куры и Аракса II тыс. до н.э.—ВДИ, 1988, №4, с. 84—102; Գ. Ե. Арешян, В. Э. Оганесян, Ф. М. Мурадян, П. С. Аветисян, Л. А. Петросян. Конец среднего бронзового века в междуречье Аракса и Куры.—Историко-филологический журнал (далее: ИФЖ), 1990, №1, с. 53—74; Ա. Ե. Симонян. Новая трактовка социокультурной общности средней бронзы Армении.—ИФЖ, 1990, №1, с. 188—207; է. Վ. Խանգույան. Միջին բրոնզեդարյան մշակույթն ու Մեծամորի № 59 դամբարանը.—«Պատմա-բանասիրական հանդես», 1996, № 1—2, էջ 231—244:

²⁴ Տե՛ս Հայ ժողովրդի պատմություն. Երևան, 1971, էջ 279—288, 376—420:

²⁵ Տե՛ս Очерки по истории армянского изобразительного искусства. Ереван, 1979, с. 6—36:

1960-ական թթ. սկզբին Պիոտրովսկին կրկին անդրադառնում է եգիպտագիտությանը, քանի որ ընդգրկվում է եգիպտական հուշարձանների փրկման UNESCO-ի ձեռնարկած աշխատանքներում և 1961—1963 թթ. ղեկավարում է խորհրդային հնագիտական արշավախմբի գործունեությունը Նեղոսի հովտում: Այդ աշխատանքների արդյունքներն ամփոփվեցին երկու գրքերում²⁶:

Ընդհանուր սումամբ, ականավոր հնագետի հրապարակված աշխատությունների անվանացանկը անցնում է 500-ից: Նա ընտրվել է աշխարհի բազմաթիվ ակադեմիաների և այլ գիտական հիմնարկների իսկական, թղթակից կամ պատվավոր անդամ²⁷:

Գիտական աշխատանքին զուգահեռ Պիոտրովսկին զբաղվել է գիտակազմակերպչական գործունեությամբ: Երկար տարիներ նա եղել է Պետական էրմիտաժի տնօրենի գիտական գծով տեղակալ, Լենինգրադի պետական համալսարանի Հին Արևելքի պատմության և բանասիրության ամբիոնի վարիչ, 1964 թ. սկսած նա էրմիտաժի տնօրենն էր և իր վերջին աշխատությունն էլ նվիրված էր աշխարհի ամենահարուստ այս թանգարանի պատմությանը:

Բ. Բ. Պիոտրովսկին վախճանվեց 1990 թ. հոկտեմբերին: Իր երկարամյա գիտական-մանկավարժական գործունեության ընթացքում նա պատրաստեց Հայաստանի հնագիտության տարբեր ճյուղերով ղեաղվող շատ հնագետներ: Եվ այժմ էլ նրանք կամ իրենց աշակերտները գործում են Հայաստանում: Չնայած վաղուց արդեն դադարել են Կարմիր բլուրի և Էրեբունու պեղումները և այդ հուշարձանները դարձել են թանգարաններ, բայց շարունակվում են Հայաստանի այլ ուրարտական հուշարձանների պեղումները:

1990 թ. գրված բազմաթիվ մահախոսականներից մեկում Բ. Բ. Պիոտրովսկին գիտվում էր որպես կենդանի մի կապ՝ պետերբուրգյան ինտելիգենցիայի և հետո եկած ինտելեկտուալների միջև. մեզ համար նա եղավ այն կենդանի հանգույցի շյուղերից մեկը, որը հայ հնագիտությունը շաղկապեց ուսաստանյան արևելագիտական դպրոցին:

БОРИС ПИОТРОВСКИЙ
(К 90-летию со дня рождения)

С. Г. АМАЯКЯН

Резюме

Деятельность Б. Б. Пиотровского—выдающегося археолога, заслуженного деятеля науки, лауреата государственных премий, академика—неразрывно связана с Арменией. Свои первые полевые исследования здесь он предпринял непосредственно после окончания историко-лингвистического факультета Ленинградского университета, летом 1930 г. Две его статьи, посвященные циклопическим крепостям Армении, не потеряли своей актуальности до сих пор. В 1939 г. с раскопками Кармир-блур начинается новый этап в биографии ученого. Он все свои силы посвящает исследованию истории и культуры Ванского царства, издав множество книг и статей, которые стали фундаментальными для изучения проблемы образования армянского народа, а также истории урартской цивилизации. Б. Б. Пиотровскому—ученику Н. Д. Флитнера, В. В. Струве, А. А. Миллера, Н. Я. Марра и И. А. Орбели—в 1950-70-е годы удалось в Ереване сплотить вокруг себя одаренных молодых сотрудников, которые впоследствии стали его учениками в Ленинграде, в частности, в Эрмитаже, директором которого он являлся долгие годы. В итоге, в Армении образовалась новая археологическая школа, которая продолжает свою деятельность по сей день.

²⁶ Տե՛ս Բ. Բ. Պիոտրովսկի. Древняя Нубия. М., 1964; Բ. Բ. Պիոտրովսկի. Вади Аллаки—путь к золотым рудникам Нубии, М., 1983.

²⁷ Այս մասին հանգամանքներ տե՛ս Բ. Բ. Պիոտրովսկի. Страницы моей жизни. с. 281—285.